



“

Laga e
pèrdedónan
papia, ya
ku e ganadó
nan ta hari.

BONERIANO

EDITOR:
Bonaire Communication Services N.V.

Djaweps 25 Yanüari 2024 | Preis: \$1.25

“GOBIERNU ANTERIOR A DAÑA KOS”

Introdukshon ‘SGB Blue Bottle’ personalisá



Aña nobo no a trese solamente bon deseonan, pero tambe un añadishon spesial na Komunitat di Skol Boneiru, SGB. Ku orguyo SGB ta presentá 'SGB Blue Bottle' personalisá. Ku nòmber di kada alumno i kolega grabá riba dje, e bòter akí no solamente ta un kompañero práktiko, sino tambe un deklarashon pa salú i sostenibel.



Flor di Orkidia a habri añá

Grupo Flor di Orkidia a habri un añá nobo yen di amor, pas i felisidat. Pastor Carlos Brunk, a duna un reflekshon. E grupo a kanta 'happy birthday' pa Nechi i Irene. Na final a hasi obra di man ku Yùfrou Yeta.



Pronóstiko di tempu pa Boneiru

Djamaris 23 te Djáron 24 Yanüari 2024
Chèns pa algun áwaseru

Periodo ku solo, pero tambe chèns pa algun áwaseru. E temperatura máksimo lo ta aproksimadamente 31°C, e temperatura mínimo mas o ménos 26°C. Bientu for di direkshon ost ta basta fuerte te fuerte, forsa 5-6.

Altura di ola: aproksimadamente 3.0 m (8-10 pia), inkluyendo resake for di direkshon nort i nortost do 0.5-1.0 m (2-3 pia).

* Altura di ola válido pa laman grandi

Popularidat ta relativo
P'esei un propio estilo
No solamente pa ta eksitoso
Sino sigur mas balioso

Brò KèS 93.5 FM

pokopoko pero sigur mas i mas hende ta ...



Skuch'è

Telefon/ WhatsApp +599 701 0935
www.radio935bonaire.com

Clark Abraham ta akklará

“GOBIERNU ANTERIOR A DAÑA KOS”

KRALENDIJK – Diputado Clark Abraham den reunion di komishon fiho djamars 23 di yanüari básikamente a bisa ku e posishon fuerte ku Ministerio di Infrastruktura i Maneho di Awa (I&W) a tuma pa ku Boneiru ta resultado di e maneho anterior. E ta referí na e echo ku Boneiru ta bou di supervishon skèrpi di Hulanda. Debí na e echo ku e maneho di pèrmit, supervishon i mantenshon di òrdu ta faya, prinsipalmente na Boneiru, Inspekshon di Ambiente di Bida (ILT) ta haña un enkargo fuerte pa dunamentu di pèrmit ambiental i mantenshon di lei riba ehekushon. Pues nan ta haña hopi di bisa den e área aki. Básikamente esaki ta enserá ku Boneiru

ta pèrdè pida outoridat riba e tereno aki. Tur esaki a base di un rapòrt devastador ku a sali yùni 2023.

Abraham a bisa bon kla ku henter e situashon aki ta pasombra e gobièrnu anterior a daña kos. Pa motibu ku nan tabata privilegiá un grupito i pone preshon riba ámtenarnan pa hasi kos kontra regla i lei.

Awor e diputado ta splika ku I&W a manda un karta splikando un ke otro. Abraham a rekordá komishon fiho ku contenido di e rapòrt no tabata deskonosí. “Mi mes na vários okashon a bisa mi preokupashon. Nos a presentá vários moshon di deskonfiansa kontra vários mandatario. E kos aki ta mina demokrasia i bon gobernashon”, segun e diputado.

Tweede Kamer a atendé fuertemente ku e situashon aki. Na momentu ku no a mira adaptashon den maneho di parti Boneiru, Hulanda a disidí na intervení. Den mesun rosea Abraham ta bisa ku ya e Kolegio Ehekutivo aki huntu ku e direktor nobo di Departamento Supervishon i Mantenshon di Lei (Handhaving) ta bai pa salbuardiá integridat i imparialidat riba e tereno aki.

“Den e karta I&W ta bisa ku nan ke traha ku e Kolegio Ehekutivo aki a base di koperashon”, Abraham ta agregá. E ta bisa ku den e karta Hulanda ta rektifiká e posishon previo.

E siguiente paso?

E rapòrt ku a sali for di yùni aña pasá a detektá

entre otro ku e entidatnan públiko ta muchu chikitu pa organisá un sistema di VHT adekuá i mantené esaki den operashon. Esaki tabata un motibu importante di tur e defisiensianan konstatá. A duna basta rekomendashon.

Sinembargo Abraham no ta pensa pa sigui tur rekomendashon.

“Esaki no ta un trayekto

ku pa fin di 2024 ta kla. Ta un proseso”, segun e diputado.

Mester menshoná ku konsehal Benito Dirksz a remarká ku ainda Kolegio Insular no a atendé e rapòrt devastador. “Nos ta bayendo poko poko pa nos komo Boneiru tuma mas responsabilidad over”, Dirksz ta menshoná

**Programa desaroyo espasial pa konsulta**

KRALENDIJK – E diseño di e programa di desaroyo espasial Karibe Hulandes, desde djárasen ta pa konsulta, tantu físiko komo digital, riba e islanan.

Te ku 4 di mart tur hende tin e oportunidat pa duna su opinion tokante e diseño.

Meta di e programa di desaroyo espasial, ta pa kontribuí na un diseño espasial duradero i seif di e islanan dor di krea kondishonnan esensial

pa desaroyo ekonómiko duradero.

Punto di salida ta un uso di espasio di mas aña pa garantisá desaroyo duradero, konstrukshon di kas den futuro ku ta konektá na e nesesidatnan di e poblashon di Karibe Hulandes, e protekshon di funshonnan sensibel kontra e konsekuensianan di kambio di klima, bon maneho di awa pa limitá inundashon, sekura i eroshon i protekshon di naturalesa.



èxtra
...number 1

www.extraboneiru.com

Bo tin un tep pa nos? Whatsapp BONERIANO na +599 795-8482

HUSTISIA



Hóben mester sinta kastigu bieu

KRALENDIJK- E hòmer Nixon K. (22) mester bai sinta kastigu kondishonal di un previo sentensia. Esaki Korte a disidí despues ku Ministerio Públiko (OM) a pidi pa ehekutá esaki. Tambe OM a akusé di maltrato i di a hasi sèks ku un menor di edat.

Abogado Anthony Nicolaas a hiba e defensa miéntras fiskal Laura Stroink a representá OM. Por a nota presensia di funshonario di Reclassering den sala di korte. Nixon ta den libertat despues di 13 dia enkarselá den kuadro di aresto preventivo.

E akusashon

Segun e akusashon Nixon, na 2 okashon a maltratá e menor D. ku un palu. Tambe el a chok'e i batié ku moketa. Banda di e maltrato ta akusé di a hasi sèks ku e menor.

“Kiko tur a pasa?”, hues a puntra.

“Mi a puntr'e na unda e ta bai bisti 'slordig' asina. El a kue un piedra manda mi kuné i mi a dal e. Un dia despues el a bin ku su telefòn pa filma mi. Mi a kue un pida palu dal

e telefòn kita. E splenter di e palu a rask'e”, Nixon a deklará.

“Bo a haña ku e tabata bistí muchu sunú?”, hues a bolbe puntra.

“P'ami mucha muhé no mester kana sunú asina. Nos tabata papia tokante frei otro. Mi ke a wak si ta un bon muhé mi tin”, segun Nixon.

Hues a mostra potrèt di un herida na man di e víktima.

Segun dosié e penal na momento ku polis tabata interrogá e víktima tokante e maltrato, esaki a bisa polis ku e tabatin sèks ku Nixon. E tabata keda drumi na kas di mama di Nixon i aki e tabatin relashon seksual. Sinembargo e no a hasi denuncia i OM a disidí na persiguí Nixon mirando ku OM tin e outoridat pa persiguí un persona no opstante ku no tin un denuncia. Nixon a ninga di a hasi sèks ku e menor.

Segun Reclassering, Nixon a haña vários chèns mirando ku for di 2019 e ta bou di nan guia pero nunca ta koperá. Nan no tin bon bista kiko ta pasando pasombra Nixon no ta habrí den

komunikashon. Tambe ku e no ta presentá pa e sitanan. Básikamente Reclassering no ta dispuesto pa traha mas kuné.

Nixon tin un kondena previo pa sèks ku menor, pues e tabatin kologá riba su kabes un kastigu di prizòn di 416 dia. OM a demandá pa e sinta esaki. Pa e akusashonnan nobo OM a demandá un kastigu di prizòn di 20 luna di kua 5 luna kondishonal. Tambe prohibishon di kontakto ku e víktima.

Hues a duna Nixon e último palabra. “Mi ke un último chèns. Awor sí mi ta koperá ku Reclassering i MHC”, segun Nixon.

Huesahañaeakusashon di maltrato legalmente i konvinsentementente probá. Pero a apsolv'é p'e echo di sèks ku menor. “Mi no tin un denuncia, djis un interrogashon. No tin nada pa supstansia e akusashon”, hues a splika. Pa maltrato Nixon a haña 13 dia di prizòn pero ya el a sinta esaki.

“Ainda bo tin 416 dia kologá riba bo kas, bou di e kondishon pa traha ku Reclassering i MHC. Awor bo ta bisa ku bo ke un chèns mas. Pero mi no ta duna bo mas chèns. Bo ta bai sinta bo kastigu, mi ta spera ku den prizòn bo ta haña e yudansa ku bo ke”, hues a bisa.

Korte den Promé Instansia a disidí pa ehekutá e kastigu kondishonal di Nixon K., ku ta enserá 416 dia detenshon hubenil.

Foto archivo Nixon K.



Alumno di SGB detené pa bende droga

KRALENDIJK- Polis a detené un alumno di SGB riba sospecho di bendementu di droga. Segun e sospecho e mucha muhé di 15 aña aki tabata bende droga na e skol. A haña e hóben aki ku kantidat basta signifkante

di droga.

BONERIANO a komprondé ku e hoben ta biba den un instituto di kuido pa hoben i polis a hasi un investigashon aki tambe.

E kaso ta den investigashon.

Sospechoso ta diskutí ku hues:

“Monkey see, monkey do”

KRALENDIJK- Durante tratamentu di kasonan di infrakshon di tráfico hues ta skucha splikashon di e sospechosonan ku pa diferente motibu a risibí un but na man di polis. Hopi bia un sospechoso no ta di akuerdo ku e but òf ta boga pa rebahá esaki. Tin bia e sospechoso ta bai den diskushon ku hues.

E hòmer Ferdinand B. (60) a presentá den Korte den Promé Instansia pa motibu ku polis a dun'e un but di 250 dòler pa kore outo sin un seguro bálido.

“E intenshon di seguro no ta masha kla. Mi mes a eksperensiá hopi bia aksidentenan ku e hendenan no ta sigurá. Despues tambe ku aunke hende ta sigurá e seguro no ke paga”, B. a bisa.

“Mi no ta komprondé kiko bo ke bisa mi”, hues a bisa.

“Normal mi no ta riba e isla aki. For di 2018 mi ta na Statia pa trabou”, B. a bisa.

El a splika ku no ta trata di su outo. E vehíkulo ta di mama di su yu i ku el a usa e outo sin tabata na haltura ku e outo no ta sigurá. Ta ora polis a par'e el a haña sa.

“Bo ke bisa mi ku bo no ta meresé e but?”, hues a puntra.

“Mi ke hasi un areglo pa paga”, B. a kontestá.

“E ta hopi haltu i mi ta komprondé”, hues a reashoná. Aki e sospechoso a kuminsá ku un deklarashon basta konfuso. El a splika e peliger di estranheronan pa Boneiru.

“Monkey see, monkey do”. Nan ta mira hende ta bin djafó hasi tur sorto kos straño i nos muchanan lokal ta mira i hasi meskos”, segun B.

Hues a dikta ku Ferdinand B. por paga e but di 250 dòler den 3 término.

B. a tuma distansia di su derechi di apelá e sentensia. “Mi no tin gana apelá. Ami mes a para 2 aña den korte”, el a bisa.



PVV bou di kandela

DEN HAAG -- PVV a risibí krítika fuerte den Tweede Kamer, pasobra e partido ainda no ke abolí e propio rísiko den kuido médiko. “Mi no por adelanto kosnan awor”, Agema, Parlamentario di PVV, a bisa, konsiderando e presupuesto di kuido médiko.

PVV ta negoshando aktualmente ku entre otro NSC i VVD, riba e posibilidatnan di un gabinete nobo i kontra kua dos partido ta kontra. E kompromiso di PVV ta pa abolí e propio rísiko. Nos ta spera di pon’é den e formashon, Agema a bisa.

Den Tweede Kamer mayoria ta tuma hopi



tempu na fabor di abolí e propio rísiko obligatorio di 385 euro pa aña i PVV tambe a firma esaki. E partidonan ta kere ku un di kada kuater Hulandes ta evitá atenshon, pasobra e no por paga e kantidat. E gabinete aktual no ke

hasié, asta sí ta solamente pasobra e desishon lo kosta alrededor di 6 bion euro pa aña.

Promesa di elekshon

Abolishon di e gastunan di kuido médiko akí tabata un tema importante di

PVV pa añanan, tambe den e kampaña elektoral. Pero awor e partido mas grandi den Tweede Kamer ta soportando, na asombro di otro partidonan manera SP, GroenLinks-PvdA, pero tambe di oponentenan manera D66 i ChristenUnie. “Mi mester rekuperá di e vago di PVV. Bo a primintí e votadónan,” Paulusma, Parlamentario di D66, a bisa. “Kiko bo promesa ta bal?”

GroenLinks-PvdA a enfatisá ku PVV tin e yabi i awor bo ta sera e porta den un biá,” Bushoff a bisa. SP ta konsiderá ku e posishon di PVV ta laf i tin tur sorto di proposishon pa sera e diferencia di biones di euro

ku lo surgi.

Mas tempu

Si awor ta trahando riba abolishon di e propio rísiko, e por kuminsá na 2025. Si e mester warda un bon resultado di e kombersashonnan na e mesa di negoshon promé, e por tuma hopi mas tempu. “Nos mester solamente di PVV, nos por organisá esaki awor i awor bo ta preokupá,” Dijk, lider di SP, a bisa su kolega Agema.

Pero Agema a keda firme. E no a komprondé e agresividat straño di SP i e komentarionan di D66 a yam’é un tipo straño di teatro.

(Fuente: NOS)

Rutte ta kere ku e ta un mal plan

BBB tòg ta duda sí Rei mester paga impuesto

DEN HAAG -- Den Tweede Kamer BBB a kuminsá duda di e posishon adoptá anteriormente di pone Rei paga impuesto riba su entrada den futuro. “Mi ta luchando ku esaki, mi ta mira hopi inkonbeniensia, Keijzer, Parlamentario di BBB, a bisa durante e debate riba e presupuesto di e Rei.

Esaki por nifiká ku den término largu no tin un mayoria di dos terser parti pa kambia e konstitushon. Sí BBB no a apoyá e plan, ainda lo tabatin un mayoria di dos terser den Tweede Kamer, pero no den Eerste Kamer, kaminda BBB ta e partido mas grandi. E sosten den Parlamento di mas haltu ta nesesario den término largu pa permití e outoridatnan fiskal salba e entrada di Rei Willim Alexander i parti di su famia.

Keijzer a ekspresá su duda despues ku Promé Minister, Mark Rutte, a duna tur sorto di argumento pa hustifiká ku paga impuesto pa Oranje ta un mal plan. E tabata kontra pa añanan i atrobe el a bisa Tweede Kamer ku e ta un proseso hopi kompliká.

Rutte ta sinti ku e rei no ta un siudadano normal, sino un rei 24/7. Tambe el a señalá ku Parlamento no ta di akuerdo ku e implementashon di impuesto. PVV, D66 i e partidonan di derechista, por ehèmpel ke pa e rei no risibí nada, p’esei su entrada lo deteriorá. NSC no ke esei.

E modifikashon di un artíkulo di Konstitushon mester keda konsiderá dos biá tantu den e di dos komo den Eerste Kamer. E promé biá, yamá promé lektura, mester tin un mayoria

simpel pa esaki, di manera ku por lo ménos 76 asiento den Tweede i 38 den e Eerste Kamer.

Seguidamente mester konsiderá e enmienda konstitushonal atrobe pa tur dos Parlamento despues di e elekshon. I despues mester tin un mayoria di dos terser pa esaki. E proseso akí ta tuma añanan.

Pa hopi tempu tabata mira BBB komo un di e defensoran di impuesto riba Oranje. Na òktober 2022, lider Di BBB, van der Plas, a vota na fabor di un proposishon pa abolí e asina yamá ekstenshonnan fiskal di miembronan di Kas Real. E website di BBB ta bisa: “Tur hende mester paga impuesto,” pues segun BBB tambe e miembronan di e famia Real.

Ta difísil ainda pa prediká kiko eksakto e duda di BBB lo nifiká, pasobra

impuesto ta rekerí un enmienda konstitushonal, un prosedura largu i kompliká. Parlamentario di BBB, Keijzer: “Promé mi ke pensa bon i diskutí tur pro i kontra ku tur sorto di Parlamentario. BBB ta negoshando un gabinete nobo, e partner di kombersashon, VVD, ta kontra un enmienda konstitushonal i NSC i PVV, ta na fabor. Ta posibel ku nan lo yega ainda na un akuerdo riba e mesa di

negoshashon.”

Ademas, un enmienda konstitushonal ta un asunto di término largu. Rutte ta satisfecho ku e ponensia di Keijzer.

“E ta sabí loke e ta bisa,” e promé minister a bisa. “No drecha loke no ta kibra.”

Rutte tampoko tin intenshon di inisiá un enmienda konstitushonal, e ta kere ku un promé minister nobo mester mira loke e ke hasi kuné.



Pobresa i biba ta sentral

K R A L E N D I J K
— Ofisina Sentral di Statistik, CBS, ta bai sigui ku su investigashonnan e añanan ku ta bini pa sostené e islanan Boneiru, Sint Eustatius i Saba, ku enkargo komunitario. Esaki ta pará den e programa di mas aña Karibe Hulandes 2024-2028, ku Sekretario di Estado Alexandra van Huffelen, a risibí djárasen for di man di Direktor General di CBS, Angelique Berg.

Den e programa pa e sinku añanan benidero, CBS ta pone e enkargonan riba e tereno di pobresa i biba sentral. Van Huffelen: “Nos ta trahando duru pa mehorá e standart di biba di e habitantenan di e islanan. Asina e salario mínimo legal ta subi fuerte na 1750 dòler den tempu relativamente kòrtiku. P’esei ta di gran importansia pa sa kiko esaki ta hasi ku e preisnan,

trabou i ekonomia. E tabata un deseo grandi pa haña mas bista den e sifranan i desaroyo riba e islanan. Esaki ta bai yuda serka e trahamentu di maneho kaminda habitantenan di Boneiru, Sint Eustatius i Sana, tin benefisio.”

Riba tereno di biba, tin falta importante di hopi data na Karibe Hulandes, manera tokante e kantidat di tipo di bibienda. Riba enkargo di e ministerio di BZK, p’esei CBS ta atendiendo pa akumulá mas data tokante e tema akí. Por ehèmpel dor di pone un registrashon básiko di adrès i edifisio, BAG, via di un konteo di bibienda. Tambe ta tene un enkuesta na e altura di hür.

Den e programa di mas aña, tambe tin ku CBS ke oumentá e konosementu ku e aksesibilidat di mikro data tokante Karibe Hulandes. Asina ta bira mas fásil pa

haña riba e website di CBS data tokante e islanan. Banda di esei, ta ofresé treinen tokante e uso di base di data online Statline. Mas aleu via kampaña den media, ta amplia e konosementu di e demanda di data tokante Karibe Hulandes riba e islanan.

Direktor General Berg, na okashon di e entrega di e programa di mas aña, a duna di konosé ku e ta haña tambe importante pa e islanan mester bai hasi uso mas tantu di e mikro data tokante Karibe Hulandes: “CBS lo hasi esfuerso pa hasi e mikro data akí tambe ménos di forsa di kapital i mas aksesibel pa investigadónan i organisashonnan riba islanan BES.”

Desde e kambio di struktura estatal di 10 di òktober 2010, CBS ta responsabel pa e suministrashon di

informashon stratégiko un programa di mas aña. tokante Karibe Hulandes. Periódikamente ta evaluá e Pa esaki CBS ta stipulá programa akí.



HESUS TA NA BO LADO.

“...Jesus a bisa ku nunca lo Mi no bandonábo, i nunca lo Mi no lagabo desampara asina ku nos ta bisa ku tur konfiansa.” Señor ta mi yudadó lo mi no tin miedu kiko hende por hasi mi? Hebreonan 13: 5b i 6.(BS)

Den e versíkulonan akí e eskritor ta puntra: “Kiko hende por hasi mi?” Serio?

Ta bèrdat ku hende por hasi un otro persona daño? Sí, ta bèrdat! Hende por hasi tur sorto di kos ku nos, òf kontra nos; Menasá, dominá, insultá, divorsiá, abusá, bandoná, heridá i hopi otro kos mas. Hasta pone un persona den prisòn inhustamente. Pero loke nan no por hasi nunca ta pone bo bandoná Dios, si bo ta stima Dios di henter bo kurason. Dios semper ta kumpli ku Su promesa. E lo no bandoná bo i ni laga bo desampará. Ker men ku Su presensia semper ta ku bo, i mas profundo ainda, Su man ta sostené bo i duna bo tur asistensia ku bo tin mester aki riba tera.

Nada ku sosodé ta sorpresa pa Dios, p’esei bo por konfi’É meimei di bo dolónan. Dios ta stima bo i nada por separá bo for di Su stimashon. Dios ta ku bo semper pa yuda bo enfrentá tur loke presentá. E ta bo Baranka firme. Bo ta kere esaki? Si bo ta kere, awèl para firme ora bo pianan ta tembla i bo lágrimanan ta kai manera áwaseru. Para firme miéntras kosnan ta bai robes i straño. Bo por hasi esei solamente pasobra Hesus ta na bo lado.

KonfiÉ i para firme, pasobra Esun ku ta den mi ta mas grandi ku tur.

Felicia Baran-Emerenciana
Miralda Paula-Frans

Programanan di Bonaire.tv

TELBO kanal 70
Flamingo TV kanal 23

Djaweps 25 Yanüari 2024

| | |
|------------------------|--|
| 12.00 Aktualidat: | Rignald Dortalina |
| 13.00 Aki Korsou: | Yves Guillaume Cooper |
| 14.00 Herensia: | Criselda Soliana-Rosa |
| 15.00 BAPA: | Curvin George |
| 16.00 Herensia: | Ediltrudis Correa i Erwin Alberto |
| 17.00 Aki Korsou: | Luis Secco |
| 18.00 Herensia: | Carlos Feliciano Pikerie |
| 19.00 BAPA: | Broer Roolvink |
| 20.00 Herensia: | Houseman Folly, Eddy Rijna & Ank Klomp |
| 21.00 Aki Aruba: | Desiree C. Correa |
| 22.00 Herensia Korsou: | Stella Kuwas |
| 23.00 BAPA: | Charles (Chal) Pikeur |

Tur mèrdia 12’or ta kuminsá un programashon nobo di 4 ora. E programashon aki ta ripití pa 24:00.



Importante pa prevení plamamentu

Seis kaso di dengue na Boneiru

KRALENDIJK – For di prinsipio di e aña aki, a detektá seis kaso konfirmá di dengue na Boneiru, asina e departamento di Salubridat Públiko ta laga sa. Awor no tin un brote ainda, pero sí ta importante pa siudadanonan tuma medida pa prevení ku dengue ta plama. Hende ta infektá ku piká di e sangura di dengue. Departamento di Salubridat Públiko ta hasi un yamada pa no duna e sangura di dengue chens pa pone webu den awa ku ta keda para. P’esei e konseho ta por ehèmpel pa tira awa afó ku ta keda para den ophetonan den i rònt di kas.

Departamento di Salubridat Públiko ta hasi un yamada na siudadano tambe pa pèrkurá ku e sangura di dengue no ta

pika nan. Por hasi esei por ehèmpel usando un spreí kontra sangura ku ta kontené DEET. Na algun isla den Karibe tin na e momentu akí brote di dengue. Departamento di Salubridat Públiko ta urgi tur siudadano pa evitá un brote na Boneiru.

Asina bo ta prevení un piká di e sangura di dengue:

- Hunta bo kurpa ku un krema ku DEET aden
- Usa un spreí ku DEET aden i spùit esaki riba bo kurpa
- Bisti paña ku un koló kla ku ta kubri bo kurpa bon
- Usa skrin na kas
- Tene bentana i porta bon será
- Semper drumi bou di un mosketero

-Usa flit kontra sangura pa tene kas liber di sangura.

Asina bo ta prevení subida di e kantidat di sangura di dengue:

Eliminá tur opheto rònt di kas ku awa aden manera :

- baki di plèstik
- tayer
- bòter
- bleki
- tapa baki/barí ku awa di yobe ku un paña, pone un elastik òf kabuya rònt di e paña
- Dòkternan di kas i laboratorio ta informá departamento di Salubridat Públiko di kasonan di dengue. Despues di un notifikashon, departamento di Salubridat di Públiko ta tuma kontakto ku e persona infektá. E persona akí ta

haña tep i konseho di e departamento. Despues un inspektor di e departamento ta bishitá e persona na kas. Tarea di inspektor entre otro ta pa eliminá kriadero di e sangura di dengue. P’esei nan ta kontrolá ku si den besindario di e kas di e persona enfermo tin kriadero di e sangura di dengue. Si ta asina, e ora ei

ta trata e kriaderonan.

Bo tin mester di konseho òf yudansa pa awa di yobe den barí òf renbak? Òf bo tin hopi molèster di hopi sangura? Yama e ora ei Departamento di Salubridat Públiko na e number 715-5324. Pa mas informashon tokante dengue bishitá <https://bonairegov.com/muggen>.



Eskases di remedi aña pasá mas grandi ku nunca

KRALENDIJK / HULANDA -- E eskases di remedi na Hulanda tabata mas grandi ku nunca na 2023, e organisashon di botika, KNMP, ta bisa. Investigashon di e organisashon ta musta ku 5 mion di e 13 mion konsumidónan di remedi na Hulanda. a eksperiensia e konsekuensianan di esaki.

Na total, e organisashon a registrá un eskases di 2292 biá na 2023, un oumento fuerte kompará ku e aña anterior, ora e kantidat di eskases tabata 1514. KNMP ta registrá ofisialmente un skarsedat sí un remedi no ta disponibel den henter e pais pa por lo ménos dieskuater dia. E eskases promedio di

remedi, a dura 107 dia aña pasá.

Tin vários motibu pa e eskases, KNMP ta bisa. Den 56 porshento di e kasonan, e fabrikante no a indiká e kousa. Den otro kasonan, entre otro tin problema di distribushon i produkshon, òf oumento di demanda.

Medio preferensial

Sinembargo, segun e asosiashon di industria, Hulanda tambe ta hunga un ròl pa no mira Hulanda komo un merkado atraktivo pa fabrikantenan pa motibu di preisnan abou i e kantidat relativamente limitá di habitante.

Esaki ta relashoná ku polítika preferensial, ku

ta nifiká ku aseguradónan di salú tin preferensia pa sierto medidanan. Si tin diferente remedi ku e mesun ingrediente aktivo, kompania di seguro di salú por indiká un di e medidanan akí komo e medio preferí.

Asina KNMP ke pa e polítika preferensial ta adaptá, di manera ku ta krea mas lugá pa e fabrikantenan. E asosiashon komersial tambe kier mas produkshon di remedi na Europa, òf na Hulanda mes a largu plaso.

E komishon Europeo ta preokupá tambe ku e falta di remedi den Union

Europeo. Den e siguiente aña, e komishon ke analisá e kapasidat pa produsí i inová medidanan importante den Europa mes. Den e último dékadan, mas i mas fabrikante di remedi a sera i e produkshon a muda pa paisnan pafó di Union Europeo.

Hopi investigashon

E echo ku un remedi no ta disponibel, no ta nifiká ku e konsumidónan di remedi no ta risibí nada. Den kasi tres kuart di kaso, ta duna un otro remedi, den kua e pashènt ta kambia pa un otro marka di remedi, òf na

un konsentrashon diferente.

Den 17 porshento di kaso, e pashènt mester kambia pa otro tipo di remedi. Den solamente 1 porshento di e kasonan, no tin ningun alternativa disponibel.

Kambiando di remedi ta tuma hopi tempu pa e botikanan, e asosiashon komersial ta bisa. Hopi investigashon ta nesesario. Por ehèmpel, pa adaptá e resèt nan skirbí, ta nesesario pa tuma kontakto ku dòkternan. E splikashon pa e pashèntnan mes tambe ta rekerí tempu ekstra.

(Fuente: NOS)



Caribbean Services General B.V.
ta buska

6 Metselaar

pa mas info por yama: 717-9900 of mail nos
na: mmms847@hotmail.com

Kondukta a-sosial

“Ta mayornan mes su falta”

KRALENDIJK – “Ta mayornan mes su falta. Awor mayornan ta rabiá ku Leerplicht, pasombra nan a haña atvertensia pa tresementu di yunan skol lat skol. Irionia ta ku e mayornan tin e kurashi di tira falta riba maneho di skol, argumentando ku mester bai bèk na e orario di 7.45 AM pa skol kuminsá.” Esaki un siudadano ta remarká, relashoná ku e diskushonnan públiko tokante Leerplicht.

Segun e siudadano, ta bon pa remarká ku mayornan no ta hasiendo e mínimo esfuerso pa nan yunan yega skol tempran. Ta e mesun muchanan sistemátikamente ta yega skol lat tur dia. E mayornan no tin kunés basta nan sí yega nan boka di trabou tempran.

“Tur mayor sa bon bon ku si nan sali 1 minüt pasá di shete den kualke barío aki na Boneiru nan ta yega tur skol lat. Pasobra bo ta keda pegá den fila, ki direkshon ku bo ta bai. Pues ta kuestion di sali kas mei ora delantá òf 15 minüt delantá si di bèrdat bo kier trese bo yu tempran skol.”

Kaótiko

Segun e siudadano, e situashon na Liseo ta mas



kaótiko ainda. Pasobra e karetera ta un kaminda ku ta bai muri. Enbes ku mayornan koperá baha nan yunan riba e plenchi ámplio espasioso, (sin peliger ku outomobilista ta dal nan mata), pa kana bini skol. Tòg mayoría ta opta pa e kondukta a-sosial, di keda pará den fila, wanta e fila largu, pa baha nan yunan nèt dilanti di skol.

“Mitahasiunapelashon riba BONERIANO pa bin wak ku boso propio wowo kon e yunan ta keda sintá den outo, ni maske nan outo ta esun siguiente, pa warda nan mayornan hala 2 meter dilanti pa nan baha for di outo. E kos aki ta rídikulo!”

“Si ta na momento ku awa kai mayornan opta pa baha nan yunan dilanti di skol ta komprensibel.

Pasobra e plenchi dilanti di skol ta yená ku lodo, i plas di awa i ta para bira un chocheria. Pero ora ku ta temporada seku, tòg e mayornan ta ninga di laga nan yunan kana 3 minüt, i ta keda ku e kondukta a-sosial di stanka henter e tráfiiko. Pues nan no kier pa nan yunan kana na pia ni mei sekònde pa bai skol. I ta netamente e mayornan aki ta grita den korant ku mester bai bèk na orario mas lat! Si kada mayor baha nan yunan riba plenchi lo no tin trafiko ètòl pegá riba Kaya Amsterdam! Ta boso mes ta forma fila!

Floho

E siudadano ta sigui splika: “E yunan aki, enbes di boso laga nan move un tiki. Lòs nan wesunan, boso ta hasi nan

kurpa mas floho i due di loke nan ta kaba! Nos ta hasi nan mas steif.”

“E kondukta a-sosial aki ta opstakulisá trafiko tur dia mas i mas i no solamente riba e kaminda sin nòmber pa bai Liseo. Pero ta opstakulisá trafiko riba Kaya Amsterdam kompletu! E situashon di e mayornan aki, ta stroba e trafiko riba Kaya Amsterdam tur dia mainta. I polisnan no ta hasiendo nèt nèt nada!”

“Pasobra no tin lugá pa e outo ku ta riba Kaya Amsterdam kore drenta i e ta keda wanta e tráfiiko riba Kaya Amsterdam te na momento ku un prensès òf prens baha na Liseo i e trafiko avansá”, e siudadano ta trese dilanti.

Apesar ku tin mas ku 20 meter ku un mayor por baha su yu p’e kana bai skol, tòg e mayor ta keda para den fila i e yu ta keda sintá den outo te na momento ku su outo yega den porta di skol pa baha su yu riba e tapeit kòrà pe kana bai paden.


A-sosial

“Ken ta stanka tráfiiko? Ta mayornan mes. Un

mayor ta keda 10 minüt den fila p’e por yega baha su yu na skol i ta kosta 3 sekònde pa e otro outo bini dilanti. Konta kuantu minüt esaki ta tuma ora tin un fila di 20 outo. Ni maske kon nan lat nan ta, nan ta wak pa ku e minüt ku falta nan yu sí ta yega tempran paden i no ta wòri nan kabes ku e fila nan tras. Nan ta wak ku nan sí por logra baha nan yunan den pitu. I laga sobrá yunan keda di chòk nan tras den tráfiiko. Esaki ta un kondukta a-sosial ku nos ta laga nos yunan wak i lanta kuné tur dia.”

E siudadano ta sigui komentá: “Enbes ku kada mayor laga e kaminda liber i baha nan yunan riba plenchi i laga e kaya liber pa e alumnonan ku tin difikultat ku pia pa nan baha den porta. Muchanan ku por kana bon bon ta baha den porta i alumnonan den ròstul ta baha meternan leu pa kore bini skol. Pues mayornan ku nan yunan su pia no falta nada, tin e área blokiá.”

“Pues mi ta kere ta na kada mayor pa wak kon nan mes ta aktua i komportá ku yunan di otro mayornan ta yega lat. I no tira falta riba maneho. Kuminsá wak boso komportashon mes! Wak kiko abo por hasi pa remediá e asunto aki. E ta den boso mes man! Loke ta pasa riba kaya públiko ta outoridatnan kompetente tin ku atendé. Si e polisnan i komishon di mayor na Boneiru ta hasi nan trabou manera mester ta, e problema aki masha dia e lo a keda resolvé.”




Inflashon a subi na Boneiru

KRALENDIJK

-- Den e di kuater kuartal di 2023, produkto i servisio di konsumidó tabata 4,2 porshento mas karu na Boneiru ku e aña anterior. Den e di tres kuartal, inflashon tabata 1,9 porshento. Esaki Ofisina Sentral di Statistik, CBS, ta informá a base di e índise di preis di konsumidó Karibe Hulandes.

Na Sint Eustatius, riba base anual, e preisnan a baha ku 1,0 porshento den e di kuater kuartal di 2023. Den e di tres kuartal, e preisnan a keda stabil. Na Saba, inflashon tabata 1,9 porshento den e di kuater kuartal. Un kuartal anterior, esaki tabata 2,8 porshento.

Índise di preis di konsumidó (CPI) Hulanda Karibense



Boneiru

Kompará ku e di tres kuartal di 2023, preisnan na Boneiru a subi ku 0,3 porshento den e di kuater kuartal. Gastunan di transporte, a yuda okashoná e subida akí, preis di gasolin a subi ku 0,4 porshento den e di kuater kuartal, kompará

ku e kuartal anterior, preis di disel ku 2,3 porshento.

Ademas preis di paña i sapatu, a subi ku 1,6 porshento. Preis di artíkulon pa higiena, a subi ku 2,8 porshento, kompará ku e kuartal anterior.

Sint Eustatius

Preis di konsumidó na Sint Eustatius, a baha den e di kuater kuartal di 2023 ku 0,1 porshento, kompará ku e kuartal anterior. Preis di paña, aparato doméstiko i muebel, a baha den e di kuater kuartal kompará ku e di tres kuartal.

En kambio, desaroyo di preis di kombustibel tabatin un efekto asendente riba desaroyo di preis di konsumidó. Por ehèmpel preis di gasolin a subi ku 5,4 porshento, kompará ku e kuartal anterior.

Saba

Preis di konsumidó na Saba den e di kuater kuartal di 2023, a keda promedio igual na esun den e kuartal anterior.

Apesar di esei, por nota subida di preis den gastunan di transporte.

Preis di gasolin a subi den e di kuater kuartal ku 9,9 porshento kompará ku e kuartal anterior.

Ademas preis di pasashi a subi ku 10,4 porshento i otro servisionan di transporte ta mustra un oumento di 14,0 porshento, kompará ku e di tres kuartal den 2023.

Komo ku preis di produktonan pa mantenshon di bibienda a baha ku 2,6 porshento, kompará ku e kuartal anterior, esaki a frena e subida e kuartal akí. Tambe preis di paña i sapatu a baha ku 2,3 porshento.

Desaroyo preis promedio

Na 2023, e nivel di preis promedio na Boneiru tabata 3,8 porshento mas haltu ku den 2022. Na Sint Eustatius, e preisnan tabata 2,5 porshento mas haltu ku den 2022 i na Saba 4,2 porshento mas haltu.

Riba tur e islanan, esaki tin di aber ku preisnan mas haltu pa bibienda, awa i elektrisidat, transporte i kuminda.

Na Boneiru produkto i servisio riba tereno di salubridat a bira mas karu. Na Sint Eustatius i Saba preis di enseñansa a subi.


Sifranan tentativo

A adaptá e sifranan tentativo tokante e di tres kuartal di 2023 pa Sint Eustatius, debí na informashon ku a drenta mas lat.

E sifranan tokante e di kuater kuartal di 2023 i huntu ku nan e sifranan anual di 2023, tambe ta tentativo i ta keda stipulá definitivamente ora publiká tokante e promé kuartal di 2024.

Inflashon Hulanda Karibense

% di kambio di e CPI kompará ku e aña anterior



Buraku peligroso den kaminda

Esaki ta un di e tantísimo buraku peligroso ku tin den kaminda rònt Boneiru. E buraku akí riba Kaya Industria, dilanti Garashi Marren, ta trese peliger pa tráfiiko.



èxtra
...number 1

www.extraboneiru.com

Habitantenan Tanki Matrimonio ta pidi yudansa

KRALENDIJK -- biba den e bario Tanki tur e añanan ei, a bin gaña For di 2018 tin hende ta Matrimonio. Un biá den basha tiki greis i nunca mas

a mira un yudansa den e bario akí.

Un habitante di e bario, na nòmber di tur habitante,

ta pidi Gobièrnu por fabor hasi algu. No por kana ni na pia, pasobra no por pasa ku e awa ku ta keda para.



WATER- EN
ENERGIEBEDRIJF
BONAIRE

WEB heeft momenteel een
vacature voor de functie van:

GIS Operational Custodian

Werkzaamheden zijn o.a.:

- Zorgdragen dat de GIS-applicatie van WEB voldoet aan de behoeften en eisen van de gebruikers, waarbij zowel functionele als technische ondersteuning wordt geboden
- Coördineren, controleren en registreren van de dagelijkse werkzaamheden van de GIS Data Custodian en verantwoordelijk voor de planning van de werkzaamheden en de output van de afdeling
- Contractuele afspraken maken met de GIS-leverancier of met andere diensten ten behoeve van het GIS-beheer
- Het inrichten en/of aanpassen van de GIS-applicatie en eventuele apps en interfaces gerelateerd aan de GIS-applicatie
- Zorgdragen voor het uitvoeren van complexe analyses ten behoeve van de interne klant en het maken van eventuele informatieproducten
- Advies geven en deelnemen aan inrichtingsprojecten met een GIS-component
- Ondersteuning geven bij upgrades van de applicatie, hardware-problemen van de GIS-applicatie en apps van de GIS-applicatie

Profiel van de ideale kandidaat:

- Afgeronde HBO opleiding Geo-Information Science, Cultuurtechniek, Waterbeheer of vergelijkbaar
- Minimaal 5 jaar relevante werkervaring
- Leidinggevende capaciteiten
- Analytische, communicatieve, planning- en rapportage vaardigheden
- Ruime kennis van geografische informatiesystemen en ruimtelijke gegevensanalyse
- Uitstekende kennis van en ervaring met software als ArcGIS en Qgis en aanverwante software voor editing, analyse, beheer en presentatie
- Goede mondelinge en schriftelijke uitdrukingsvaardigheid in het Nederlands, Engels en Papiaments

Sollicitatie:

Indien u in aanmerking wenst te komen voor deze functie, ontvangen wij graag **14 februari 2024** uw motivatiebrief en Curriculum Vitae t.a.v. de afdeling Human Resources per e-mail: hr@webbonaire.com

Voor meer informatie over **Water- en Energie Bedrijf Bonaire N.V. (WEB)** bezoek onze website www.webbonaire.com

📍 Kaya Gresia z/n
☎ +599 715 8244
✉ info@webbonaire.com

🌐 [linkedin.com/web-bonaire](https://www.linkedin.com/company/web-bonaire)
📘 facebook.com/webbonaire
🌐 www.webbonaire.com

let's do it
together

OPTENIBEL NA

Kuranderia popular

Ofisina di
FuHiKuBo

Ofisina di Extra

Del Mar BV



\$17,50

Natural i spiritual

Un proyekto di Unesco i FuHiKuBo

Chechi Wanga-Angela a fayesé

Un infansia marká pa pobresa

KRALENDIJK – “Mi no tin bèrgwensa di bisa ku mi a lanta den pobresa. Nos tabata pover, kome funchi ku lechi, funchi ku suku, pero kome hopi karni di kabritu tambe. Esei tabata bida di nos famia.” Asina Chechi Wanga-Angela a konta den e programa Herensia. E siman aki Chechi a fayesé.

Su nòmber mes ta Juliana Robertina Angela i el a nase dia 7 di febrüari 1934. Tabata un famia di ocho yu. Nan mayornan tabata Polly i Ana Wanga-Thodé di Antriol. Pero komo mucha nan a lanta mas tantu na nan kunuku na Antriol. Un famia pover.

Chechi a konta den Herensia: “Nos tata

tabata kima karbon den Washington. E tabata keda dos siman. Komo mucha mi tabata kere ku ta muri el a muri ora e bai traha na Washington. Semper mi tata a keda Boneiru. E no a bai nabegá.”

“Ta loke tin nos tabata kome. Nos tabatin hopi kabritu ku nos besina di kunuku, Colá, tabata bin mata ora ku nos pidié. Hopi karni di kabritu, mondongo i otro partinan di kabritu mi a kome den mi bida”, Chechi a konta den Herensia.

Mas aleu el a splika kon nan mama tabata kose paña pa nan bisti ku saku den kua tabata importá hariña i

maishi katana. Tambe kon nan mester a kana bai skol pia abou i na porta di skol numa bisti nan pargata, pa evitá ku nan ta kibra òf gasta.

Chechi a kasa ku Johans Wanga di Antriol. Nan a

biba te na último den e kas maternal di Chechi. E programa Herensia ku Chechi ta ripití e dlanan aki na Bonaire.tv, visibel tantu na Telbo komo Flamingo TV, alabes riba Internèt na <https://bonaire.tv/live/>





WATER- EN ENERGIEBEDRIJF BONAIRE

WEB heeft momenteel een **vacature** voor de functie van:

GIS Data Custodian

Werkzaamheden zijn o.a.:

- Zorgdragen voor een nauwkeurige, up-to-date en consistente datavoorziening van het Geografisch Informatie Systeem (GIS) van WEB
- Zorgdragen voor een effectief gebruik van de GIS-applicatie t.b.v. analyses, visualisaties en besluitvorming binnen de verschillende businessunits en afdelingen
- Verantwoordelijk voor het controleren van de opgeleverde asbuilt-tekeningen, verbeteren van de data en de metadata en aanvulling van de data en de metadata waar nodig
- Het beantwoorden van vragen van de gebruikers van de GIS-applicatie en het uitvoeren van complexe analyses van de interne klanten
- Advies geven vwb inrichtingsprojecten met een GIS-component en deelnemen aan GIS-inrichtingsprojecten
- Dagelijks overleg met de Functioneel Beheerder GIS, ondersteuning bieden bij de uitvoer van upgrades, het testen van de applicatie en bij eventuele hardware-problemen met GPS-apparatuur of tablets en rapporteren van bijzonderheden

Profiel van de ideale kandidaat:

- Afgeronde MBO opleiding Geo-Information Science, Cultuurtechniek, Waterbeheer of vergelijkbaar
- Minimaal 3 jaar relevante werkervaring
- Ruime kennis van geografische informatiesystemen en ruimtelijke gegevensanalyse en goede rapportage vaardigheden
- Uitstekende kennis van en ervaring met software als ArcGIS en Qgis en aanverwante software voor editing, analyse, beheer en presentatie
- Proactief, positief, klantvriendelijk, stressbestendig en accuraat
- Goede mondelinge en schriftelijke uitdrukkingsvaardigheid in het Nederlands, Engels en Papiaments

Sollicitatie:
Indien u in aanmerking wenst te komen voor deze functie, ontvangen wij graag **14 februari 2024** uw motivatiebrief en Curriculum Vitae t.a.v. de afdeling Human Resources per e-mail: hr@webbonaire.com

Voor meer informatie over **Water- en Energie Bedrijf Bonaire N.V. (WEB)** bezoek onze website www.webbonaire.com

Kaya Gresia z/n
+599 715 8244
info@webbonaire.com

[linkedin.com/web-bonaire](https://www.linkedin.com/company/web-bonaire)
[facebook.com/webbonaire](https://www.facebook.com/webbonaire)
www.webbonaire.com

let's do it together

Nivel haltu di awa a kousa inundashon Cai

KRALENDIJK – “P’esei gobièrnu GreenPeace Boneiru ta atribuí e echo ku e área di Cai, parti di Lac, ta práktikamente inundá e dlanan aki, na kambio di klima. Kisas esaki parsialmente ta bèrdat, pero echo ta ku durante e ultimo 100 aña na mas okashon e fenómeno aki ta manifestá.

Green-Peace ta informá: “Debí na kambio klimatológiko inundashonnan asina aki lo pasa mas i mas frekvente. Nos no por proba ku e inundashon aki ta kousá pa di kambio di klima, pero esaki por ta futuro di Boneiru si nos no aktua awor.”

Segun GreenPeace, tur hende tin derecho riba protekshon di medio ambiente i nos manera di biba.

“P’esei gobièrnu hulandes mester tuma akshon pa protehá nos tur. E mester kumpli ku su obligashonnan, sino ta violá derecho humano na Boneiru i otro kaminda. Esei kier men ku gobièrnu hulandes mester tene kalentamentu di mundu bou di 1,5 grado i kompletamente baha su emishonnan di CO2 te na sero. Ademas gobièrnu hulandes huntu ku habitantenan di Boneiru mester tuma medida pa protehá nos kontra di konsekuensia di kambio klimatológiko.”

“Huntu nos ta sòru pa gobièrnu hulandes dediká su mes pa futuro di nos tur, sin importá unda bo ta biba na Hulanda. P’esei 8 habitante di Boneiru huntu ku GreenPeace a bai korte.”



KRALENDIJK -- Aña nobo no a trese solamente bon deseonan, pero tambe un añadishon spesial na Komunitat di Skol Boneiru, SGB.

Ku orguyo SGB ta presentá 'SGB Blue Bottle' personalisá. Ku nòmber di kada alumno i kolega grabá riba dje, e bòter akí no solamente

ta un kompañero práktiko, sino tambe un deklarashon pa salú i sostenibel.

Ku mas ku 2500 alumno, dosente i personal di sosten, komo SGB ta representá mas ku 10% di henter poblashon di Boneiru. E impakto akí i e dedikashon pa un futuro mas saludabel i mas

sostenibel, ta ekspresá den 'SGB Blue Bottle', ku ta hiba tres palabra klave kuné 'Refill, Reuse i Reduce'.

Ku 'refill', SGB ta enkurashá pa bebe mas awa. Hasi eskoho mas saludabel dor di konsumí ménos refresko ku ta kontené suku, no solamente tin efekto positivo riba bienestar individual, pero ademas ta kontribuí na bienestar kolektivo di e komunidad.

'Reuse', ta para pa usa

di nobo.

'SGB Blue Bottle' ta eliminá e nesesidat pa bòter di awa di plèstik i ta ofresé un solushon duradero. Un stap chikitu komo individual, pero un salto grandi pa redusí e marka di pia ekológiko na Boneiru.

I finalmente, 'reduce'. Dor di usa e bòter akí, kada alumno, dosente, òf personal di sosten di enseñansa, ta kontribuí aktivamente na redukshon di sushi di plèstik riba

nos isla stimá. Ta un esfuerso kolektivo pa hasi eskohonan konsiente i aportá ku un granito na beyesa i durabilidad di Boneiru.

Yena e bòter na e puntonan nobo di tap awa friu ku SGB a introdusí. Danki na nan dekorashon fresku i yamativo, no por pasa nan forbei.

Laga nos lucha konhuntamente pa un futuro mas saludabel i mas duradero na SGB i pa nos isla maravioso.

Na Sentro di Bario Nikiboko i Tera Kòrá

Renobashon dak i arte di muraya

KRALENDIJK -- E sentronan di bario Nikiboko i Tera Kòrá, aktualmente ta den proseso di renobashon. E trabounan ku ta tumando lugá, lástimamente a hasi daño na e artenan eksistente riba e murayanan di ámbos sentro di bario.

Na momentu ku finalisá tur trabou, lo sòru pa hasi e pinturanan di nobo ku un toke moderno ku lo simbolisá e sentro di bario di kada bario i tambe duna karakter na e espasionan

renobá.

Sentro Akseso ta bisa di ta komprometé na mehorashon i tambe mantenshon di e sentronan di bario pa brinda un espasio agradabel na tur habitante i komunidad kompletu.

Akseso na mes momentu tambe ta gradisí komunidad pa e kompreshon i apoyo durante e periodo di renobashon.

(Fuente: Bonaire.nu)



MBO a bishitá Klein Bonaire

Studiantenan di MBO a bishitá Klein Bonaire riba Dia di Siudadania. Durante e bishita, e studiantenan a siña mas di desaroyo sostenibel. Danki na lidernan, rangers, dosente i STINAPA.



BONERIANO
EDITOR: **BONERIANO**
Bonaire Communication Services N.V. | Djaweps 11 mei 2023 | Prijs: 51.25

AMTENAR NO TIN RESTRIKSHON PA MANIFESTA
Pa aviso i komunikado den Extra/BONERIANO
Redakshon:
extrabon@gmail.com
Aviso:
avisobon@gmail.com
Pa mas informashon por yama nos libramente na 717-8482
BONERIANO e korant mas lesá aki na Boneiru!

PIERATTIRE PA BO AUTO, BUS OF TRUCK

NAPA

OBERSI BONAIRA

Aruba awe ta konmemorá Betico Croes

Relashon fuerte entre Betico i Jopie Abraham

KRALENDIJK – Awe djaweps 25 di yanüari Aruba ta konmemorá Betico Croes. Ta un dia liber. Betico Croes tabatin un relashon estrecho ku e lider di Demokrat Jopie Abraham. Abraham semper a sostené Betico den su lucha na bienestar di Aruba. Un lucha ku a kuminsá den dékada setenta i a kulminá dia promé di yanüari 1986 ku status aparte di e isla aki, ku asina a sali tambe for di konstelashon konstitushonal Antia Hulandes.



Betico Croes a lanta su mes partido, MEP, pa por a haña poder polítiko pa logra status aparte. Den un intento pa haña sosten internashonal pa Aruba su deseo, Betico a hasi un gira den Amérika latino i Estádos Unídos. El a hasi un bishita na kantor prinsipal di Socialistische Internationale na London i tabatin un entrevista ku Financial Times: ‘Colonialism doesn’t fit our time. We are latin Americans ruled by a European country. We have a certain amount of autonomy but not in vital matters’.

Di Hulanda, deskonfiá den e manera ku e lider arubiano tabata sera relashonnan polítiko i diplomátiko, no por a spera ningun klase di koperashon. Na yegada di e delegashon di MEP na Den Haag, minister De Gaay Fortman, e minister

responsabel, a ripití e punto di bista di gabinete, esta ku desaroyo di Antia Hulandes ta mihó garantisá ku e seis islanan huntu i un Aruba independiente no mester konta ku ayudo di desaroyo ku ta destiná pa Antia Hulandes.

Referèndem

Betico Croes no a laga e rechaso di Hulanda deskurash'é. Al contrario. Den kuminsamentu di 1977 Konseho Insular di Aruba a disidí pa laga pueblo papia pa medio di un referèndem. Apesar ku Henny Eman a hasi un apelashon na pueblo pa bòikòt e referèndem, 70% di esnan ku derecho di voto a vota i 82% a vota pa independensia.

Despues ku gabinete Rozendal a disidí di laga MEP for di gobernashon, e lucha pa separashon a bira mas militante. E isla tabata un barí di pòlbu di tenshon i frustrashon oprimí, ku na

ougùstùs 1977 a eksplotá. Aruba a bai kompletamente kontra dominio di Kòrsou.

Simannan largu tabatin wèlga, disturbio ku a paralisá henter e bida públiko; no tabatin koriente, ni awa.

Aruba su aeropuerto tabata será. For di Kòrsou a bini asistensia polisial pa yuda mantené órden públiko. Den purá turistanan tabata bandoná Aruba. Turista no tabata bini. Aruba tabata den notisia internashonal.

Kambio

E verano kayente di 1977 tabata e punto di kambio. Gabinete hulandes a rekonosé ku e lucha pa separashon a krese bira un movimentu popular i ku mester tuma esaki na serio. E ámtenar mas haltu di Hulanda den asuntunan di Antia Hulandes a duna e minister di konosé ku a yega un momentu ku no por

e para e desaroyo aki.

Riba invitashon di e gabinete demishonario Den Uyl, Betico Croes a bai Hulanda ku un delegashon grandi i mesora na yegada na Schiphol a duna un konferensia di prensa. Formashon di gabinete a trese retraso den e proseso, pero finalmente na aprel 1978 na Willemstad a tuma lugá un konsulta tripartite entre Kòrsou, Aruba i Hulanda.

Minister Van der Stee (CDA) den gabinete nobo Van Agt, tabata enkargá ku e dosié Antia, promé a bin orientá na Aruba; na kantor di Kolegio Ehekutivo un multitud a risibí e minister ku zuaumentu di bandera di Aruba i kantamentu di himno.

Grupo di trabou

Riba inisiativa di Hulanda a instalá un grupo di trabou di Reino ku e tarea konsehá tokante e relashon aktual den Reino, e deseo di independensia di Aruba tambe ta diskutibel. Gabinete a nombra eks-minister president Biesheuvel komo presidente. Aparte di gobièrnu antiano, e seis islanan tabata representá den e grupo di trabou. E promé reunion a marka inisio di un proseso di deliberashon difisil. Tur hende ku su opinion ku ta hasi difisil pa yega na un kompromiso.

Pa Jopie, ku duele pa su isla, esaki a hunga un ròl importante den su desishon na kuminsamentu di 1979 pa tuma liderazgo di Demokrat. Demasiado kos tabata den wega. E inkietut no tabata sin base, komo ku Boneiru, chikitu a base di kantidat di habitante, lo tabata plèchá den e polítika di forsa brutu entre Kòrsou i Aruba.

Ademas e tabata deseá di yuda su amigu Betico, ku sí a logra pa tuma Aruba na serio den su lucha pa sali

for di dominio di Kòrsou, ku ainda un kaminda largu pa berdaderamente realisá esaki.

E amistad entre Jopie i Betico a nase den e temporada ku Jopie tabata biba na Kòrsou i ku regularidat tabata skucha e debatenan den parlamentu. El a keda impreshoná pa e polítiko arubano, vishonario i ku alma i kuerpo na un manera elokuyente i motivá tabata sali na fabor di su isla.

Alivio

Despues di un reunion Betico, dies aña mas bieu ku Jopie, a kombersá i a bira amigu - Soulmates. Jopie, ku den su trabou a mira sufisiente pa komprondé kon difisil e relashon entre Kòrsou i Aruba tabata, tabatin tur kompreshon pa e deseo di Aruba pa logra un status aparte. Sosten abiutamente pa Betico Croes no tabata polítika korekto, pero Jopie no tabatin kunen ku e kos ei.

Den debate públiko na Kòrsou ku firmesa e tabata trese dilanti ku na lugá di bagatelisá Aruba su deseo, mihó siña for di e desaroyonan den region Karibe, unda islanan un tras di otro tabata bira independiente i movimentunan pa separashon tabata aktivo.

Loke tabata pasa na Kòrsou no tabata asina eksepsional. Unabes na Boneiru enkuentronan personal a bira ménos, pero e kontakto si a keda. E rumbo nobo ku Demokrat a skohe, a trese e partido den e fila sosial-demókrata meskos ku MEP i e dos lidernan a disidí pa traha huntu.

Pa Jopie e manera disididu kon Betico tabata defendé interes di su isla tabata un ehèmpel di inspirashon pa Jopie.

Fuente: outor Trix van Bennekom.



SABIDURIA DEN NOS ALEGRIA

Skirbí pa: Ruthy”Lady Ruth” Vrieswijk-Bergen

Ahaaaaa! Un bunita dia liber ta dilanti porta, cu e celebracion di Dia di Betico, dia 25 di Januari.

Nos no sa si tin espacio pa mi relato prome cu dia 25 di Januari, pero, nos ta bay comparti un poema cu Lady Ruth a skirbi pa e dia aki, hopi anja pasa, cu ta publica den su buki “Sigui... inspira pa duna”cu ainda ta obtenibel na nos librerianan local den Dakota. Nos a

corda riba e poema aki, ora cu un juffrouw di scol Sta. Anna a yama nos pa para como hurado pa nan contest di poema tocante Betico,(awe dfm), Diaranzon dia 24 di Januari hunto cu un of mas persona. Segun nos por a comprende, nos ta reemplaza un of otro Poeta of artista, cu no por bay para como hurado e dia aki. Nos ta keto bay ex-lider scout, “be prepared” of

“weest paraat” pa cualkier situacion cu por presenta den cual nos por yuda di curason. Gustosamente nos ta help nan out. Ata aki e poema titula : ”BETICO, UN ARUBIANO DI CURASON”

Un dia special, pa hopi ta asercando, recordando

Un Arubiano cu a destaca

Den su trabaonan como politico realisa

Un dia pa pueblo celebra cantando, faltando

Keto bay amor hamas lubida

Pa su carisma como un bon hende stima

Un dia pa lidernan, reflexionando sperando

Cu su ehempelnan, palabranan preferi

Ni cuanto, ni na unda, balornan a bay perdi

Un dia pa nos muchanan



na scol, sinyando, comunicando

Cu fe den Dios como e rais

Keto bay cu balor den e amor pa nos pais

Un dia pa nos obreronan obrando , logrando

Di mantene nan famia ariba pia

Y sigui biba felis cu otro den harmonia

Un dia di mas inspiracion, yegando pensando

Hunto cu e Arubianonan

cu no t'ey mas

Pa hunto sigui recorda y reza pa paz

Un dia, pa ami, Lady Ruth, ta recitando

Pa mi sigui expresa den nos anya cultural

Atraves di mi poemanan pa mi Aruba special .

Dushi Aruba, celebra sanamente den balans. No bebe ora bo ta stuur, bo yega cas sano y salvo.

Nos grupo di amiganan di “Childhood” di anjanan sesenta ya a cuminsa celebra e dia di Betico .

Y un di nos bisinjanan, Tia Majorie Eman, recientemente a celebra su di 90 cumpleaños felis !



Cu salud, bendicion, alegria y sabiduria pa Tia Majorie ! Pabien Aruba! Ban sigui celebra BIDA! Pasa un dushi dia, un bon siman. Un “bearhug” di Lady Ruth pa boso tur !!!!



MONCHI & TONCHI

Daisy a bai pa sera make-ta huntú ku Saba i Statia

Awèl sí, pero e moketa a bira un dede di parti Saba i Statia. Bo mes sa kua dede!



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcendencia

Redakshon
Papi Antoin
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòl Antoin
786-6818

Aviso
avisobon@gmail.com

“Pasobra kaminda dos òf tres reuní den mi nòmber, Ami lo ta huntu ku nan» (Mt 18,20), Hesus a bisa. Bossuet ta konkluí: «Iglesia ta Hesus ekstendé i komuniká».

Kuantu di nos kontemporá- neonan lo a firma e deklarashon aki? Nos no ta mirando e dian- an aki, di parti di algun, un in- tento pa enfrentá Hesus ku Ig- lesia?

Tokante e episodio di e ka- minda pa Damasco, San Pablo lo a bisa mas despues: «mi taba- ta persigui Iglesia», pues Hesus lo a bis’é: «pakiko bo ta per- sigui Mi?» (Ech 9,4).

Kua ta e orígen di Iglesia?

E mishon di Hesus no ta ag- otá den anunsio di e reino di Dios na su kontemporáneonan. E tabata ke traha un Iglesia ku ta kontinuá su mishon atraves di siglonan. No ta trata di un sos- iedat anónimo di leftnan individ- ual, ku ta hiba hendenan na Dios; ta trata di un pueblo, di un komunidad, berdadero réplika – denter dje historia humano – di e komunion invisibel di e tres personanan di Santísima Trinidad; esaki ta e komunion ku ta ka- nal, modelo i fin di Iglesia. «Tata, mare nan tur por ta un, manera Abo ta den Mi i Ami den Bo, p’asina nan por ta den nos, pa mundu kere ku Abo a manda Mi» (Hn17,21). Asina Iglesia universal ta presentá nos komo un «pueblo ku ta haña su unidat di e unidat di Tata, Yu i Spiritu Santu» (San Cipriano).

Pakiko Iglesia ta sirbi? Iglesia, esposa di Kristu, tin e mishon pa sirbi mundu, invitando humanidat na e kom- promiso aki, pa felisidat di hendenan i gloria di Tata, dos realidat inseparabel.

San Ireneo ta bisa di man- era kòrtiku i kompakto: «Glo- ria di Dios ta e hende bibu den Dios».

Iglesia ta un demokrasia? Komunidad spiritual, i kur- pa místiko di Kristu, Iglesia ta dirigí den e ko-responsabil- idat i kolegialidat di su miem- bronan. Pero no ta kita di e hecho ku na mesun tempu ta trata di un institushon herárki- ko fundá dor di su Señor.

For di prinsipio, Hesus a skohe su diesdos apòstelnan p’asina nan yud’é realisá su obra, i ta duna entre un lugá spesial na Simon, kua E lo kambia su nòmber pa Pedro, pa nifiká klaramente ku e, ta e baranka riba kua E lo edi- fiká su Iglesia.

Dunando institushon aki un mishon di alkanse universal, Hesus ta dun’é un struktura di dimenshonnan históriko: «Bai anto i hasi hendenan di tur nashon mi disipel... I sa ku Mi ta ku boso tur dia, te na fin di mundu» (Mt 28,19-20).

Di e manera aki e ministe- rio o servisionan ku e saser-

dotenan, obispunan i Papa ta ehersé ta denter di e enseñansanan di e Evangelio. Nan tarea ta di anunsiá e bon notisia, duna e sakramen- tunan i kondusí e pueblo di Dios den su tránsito dor di tera.

Ken ta forma parti di Ig- lesia?

Iglesia por ser kompará ku un ijsberg, signo visibel di un realidat parsialmente in- visibel. E parti visibel ta e in- stitushon, e parti bou di awa ta e reino invisibel, ku ne- sesariamente ta surpasá e fronteranan sosiológiko i históriko di Iglesia; pero tur ta un solo kos. I tin mas, manera San Agustín lo bisa: «No basta forma parti di e kurpa di Iglesia pa pertenesé na su kurason».

“Kristu sí, pero Iglesia

no”

Nan lo kritiká, sin duda, e imperfekshon- nan ku Iglesia a sufri a lo largu de la historia, imperfekshonnan ku ta desfigur’e i strob’e di ser e puro trasparen- sia di Dios Bibu.

Pero ya algun para- bel di Hesus a spièrta e drama aki, manera di e trigo i yerba shimaron. Ku tur esa- ki, historia ta siña nos ku Ig- lesia ta haña su mes den situas- honnan di krisis e remedi ku ta permití’e rekuperá fidelidat na su vokashon.

Tal ta e milager di Iglesia ku, despues di binti siglo, ape- sar di su debilidadnan, ta kum- pli i verifiká eksperimental- mente e profesia di su funda- dor: «forsanan di morto lo no triunfá riba dje» (Mt 16,18).

Den nos dianan, un Mama Teresa òf Huan Pablo II mes



ta testimonionan di vitalidat di Iglesia i di su fidelidat evidente. I ku nan e religiosonan, saser- dotenan, laikonan, muchanan, hóbennan o adulto, ku ta entre nos signonan bibu di Iglesia.

«Alabá sea e Mama riba kua su rudianan mi a siña tur kos» (Claudel)

• «Abo ta Pedro, esta baranka, i riba e baranka aki lo Mi traha mi iglesia» (Mt 16,18)

Yves Moreau ta outor di *Razones para Creer*.

Kon nos por profundisá nos kompreshon i eksperensia spiritual na resa e Ave Maria i Nos Tata den nos bida diario?

Pa profundisá nos kom- preshon i eksperensia spir- itual na resa Ave Maria i Nos Tata den nos bida diario, ta importante rekordá ku e orashon ta un diálogo ku Dios. No ta trata simple- mente di resitá palabranan, sino di abri nos kurason i mente na e presensia divino.

1. Reflekshon: Promé pa kuminsá na resa, tuma un momento pa konektá bo mes internamente i refleks- honá riba nifikashon di e pa- labranan ku bo ta bai na pro- nunciá. Konsiderá e profun- do mensahe di amor i entre- ga ku e orashonnan akí ta enserá.

2. Intenshon: Durante e orashon, perkurá mantené un intenshon kla i sinsero. Pidi Dios ku ta guia bo i fortaleza den kaminda spiritual, i of- resé bo petishonnan i gradesimentunan di manera konsiente. Rekordá ku Dios ta konosé bo pensamen- tunan i deseonan mas íntimo.

3. Meditashon: A me- dida ku bo ta resitá e Ave Maria i Nos Tata, enfoká bo atenshon den kada palabra i frase. Meditá riba su nifikas- hon i permití hundi den su mensahe spiritual. Konsiderá kon bo por aplik’é na bo

bida diario i na e situashonnan ku bo ta konfrontando.

4. Silensio: Despues di resitá e orashonnan akí, tuma un momento di silensio pa skucha bos di Dios den bo interior. Permití E eksperimen- tal Su presensia i risibí Su amor i sabiduria. E silensio ta ofresé e oportunidat di un konekshon mas profundo ku lo divino.

5. Konsistensia: Resa e Ave Maria i Nos Tata di man- era konsistente den nos bida diario ta yuda nos pa establese un práktika spiritual sólido. Purba na hasié ora bo lanta mainta, promé di drumi òf den momentonan espesífiko di dia. E konsistensha ta fortalese nos relashon ku Dios i ta pro- fundisá nos konekshon spiri- tual.

Rekordá ku orashon ta un kaminda di enkuentro ku lo di- vino. Na resa e Ave Maria i e Nos Tata ku atenshon i debos- hon, lo bo ta abriendo portan- an upa ku un eksperensia spiri- tual mas profundo i enrikesé den bo bida diario.

En konklushon, e «Ave Maria» i e «Nos Tata» ta dos di e orashonnan mas simbóli- ko di kristianismo. E «Ave Maria» ta un venerashon a la Bírgen Maria, konsiderá komo

mama di Hesus, i ta utilizá komo un plegaria pa pidi su in- terseshon. Di otro parti, e «Nos Tata» ta e orashon ku Hesus a siña su disípulonnan i ta repre- sentá un konekshon direkto ku Dios Tata.

Ámbos orashon tin un pro- fundo nifikashon spiritual i ta resitá dor di miónes di perso- nanan di henter mundu komo un forma pa komuniká su mes ku lo divino. Atraves di e «Ave Maria», kreyentenan ta buska e protekshon i amparo di la Bírgen Maria, miéntas ku e «Nos Tata» ta ekspresá su gratitut i ta supliká e guia i por- don di Dios.

Ta importante destaká ku e orashonnan no mester ser res- itá mekánikamente, sino ku mester ta ser pronunciá ku fer- vor i sinseridat. Nan ta un me- dio pa fortalese nos relashon ku lo sagrado i pa haña kon- suelo i pas interior.

En resúmen, e «Ave Mar- ia» i e «Nos Tata» ta dos po- deroso medionan di orashon den e ámbito religioso. E oras- honnan aki ta invitá nos na e reflekshon profundo, yuda nos na konektá nos ku lo divino i ta permití nos ekspresá nos ne- sesidatnan, deseonan di gradesimentunan.

“BINI MITA SIÑÁ BOSO E KAMINDA DI BIDA. MITA SASIA BOSO KU GOSO DEN MI PRESENSIA. ALEGRIA ETERNA NA BO MANDERECHI”
SALM 115

KATEKESIS

pa Adulto i Hoben

NOS TIN UN BON NOTICIA PA BO: Bin Skucha!

Dianan
Djaluna i Djaweps

Lugar:
Parokia Birgen Milagrosa.
Buena Vista


Ora:
8:00 pm

TA KUMINSÁ DJALUNA 22 JAN 2024

STATIA/SABA/ST. MAARTEN

WINAIR promé usuario sala di salida nobo

PHILIPSBURG -- Pasaheronan di Windward Islands Airways International (WINAIR), tabata e promé pa keda risibí djaluna den e sala di



salida resien inougurá na Aeropuerto Internashonal Prensès Juliana, PJIA.

E CEO di WINAIR, Hans van de Velde, e direktiva di PJIA i vários miembro di personal di e aeropuerto, tabata presente. Pa selebrá e okashon, pasaheronan a risibí un desayuno i un saku spesial di regalo for di aeropuerto.

PJIA ta bisa ku nan ta komprometí pa mehorá kontinuamente e eksperensia di biahe di nan pasaheronan.



Promé Minister a risibí rapòrt anual di Konseho di Asesor

PHILIPSBURG -- E vise presidente, Richardson i direktor Solomon, a logra transmití e retonan ku e transishon di maneho ta enfrentá i e falta di personal klave ku ta tarda e finalisashon di e rapòrt di Konseho di Asesor.

E konseho a mantené su kapasidat pa asesora Gobièrnu di St. Maarten riba leinan durante e periodo akí i e informe

ta duna un deskripsjon general kompleto di su konseho.

Promé Minister Silvera Jacobs, a gradisí sra. Richardson i sr. Solomon, pa nan diligensia pa sigurá ku e komponente klave di gobernashon a keda bon durante e transishon di Su Ekselensia Gobernador Baly for di direktor pa su kargo aktual i ta warda ansiosamente e informe di

2023, ku lo presentá na uni di e aña akí.

E konseho ta kontentu ku nan ta prestando atenshon na su konsehonan i ku e leinan ku ta presentá pa su konseho ta kontinuamente mehorando. E informe lo keda kompartí ku Konseho di Minister i e organisashon via e plataforma SG i tambe ku Parlamento i otro partinan interesá, inkluyendo públiko.



Proyekto análisis di bista Lions Club

PHILIPSBURG -- Reakshonando riba e nesesidat kresiente di brel, Lions Club St. Maarten a hasi un kontinuashon di e proyekto análisis di bista ku a tuma lugá di 17 pa 19 di yanüari. Un total di 153 persona por a risibí atenshon, ku un enfoke riba un variedat di studiante di diferente skol, maestro i adulto di edat, ku a haña e oportunidat pa analisá nan wowo.

Miembronan Lions Club di St. Maarten ta kontentu di por a realisá e proyekto akí pa yuda mas studiante ku por tin inkapasidat visual. Félix Richarda, presidente di Lions Club, a elogiá su partnernan pa nan kompromiso. 'Amabilidad ku otro ta un servisio na nos mes', ta e tema di

e klup di e aña akí, ku Richards a sigui defendé. El a bisa ku yuda esnan den nesesidat ta e kurason di e klup. E klup tambe ke kompartí su resultadonan pa lanta konsiensia tokante e nesesidat ku ta ekspandé i sigui yuda kaminda e por. E ekipo di VOSH, enfermera Ruby i enfermera Emma i tambe e klup di Lions, ke gradisí nan pa yuda hasi e proyekto akí un éksito.

Lions Club di St. Maarten ta ekstendé su gratitut i apresio na henter e komunidad, e skolnan partisipante, VOSH Ohio, Belair Beach Hotel, Elle Si Belle Transport, MotorWorld i MECYS-Inspection, pa nan apoyo i éksito miéntras Lions ta sigui realisá su mishon, un proyekto na mes momentu.



ARUBA

Total di 20 persona a perde nan bida purbando di drenta Aruba

ORANJESTAD -- Publicacion den e medio di comunicacion Venezolano, El Siglo diasabra ultimo, ta confirma cu n'e isla Colombiano di San Andres, autoridadnan a bin haya un lancha cu e nomber di La Rogui c'un curpa di un homber morto den dje. E curpa tabata den un estado avansa di descomposicion, pero pa medio di un

tatuahe y algun documento polisnan Colombiano a bin haya den un boter di plastic, a reconoce e persona aki como Jairo Nicolas Velasco Galicia di 47 aña.

Cu cooperacion di autoridadnan Venezolano famia e reconoce e tatuahe na curpa di e fayecido y ta bin resulta cu esaki no ta mesun boto cu a pega riba baranca cu 17

persona abordo na Vader Piet den marduga di 11 di December ultimo. Den e tragedia aki dos persona ilegal so a logra di subi riba baranca cu bida mientras cu polisnan bin recupera un total di cuater curpa di cual uno tabata den estado avansa di descomposicion. Siman pasa a dicidi di dera e curpanan aki pa motibo cu ningun hende a bin reclama

nan y e posibilidad ta grandi cu e curpa cu a wordo haya hopi dañ, lo por tabata un di e personanan cu a subi e mesun lancha La Rogui cu a wordo haya na San Andres siman cu a pasa. La Rogui segun publicacion di El Siglo, a sali for di peninsula di Paraguana di estado Falcon, rumbo pa Aruba cu un total di 9 persona pero nunca a yega costa di Aruba y famianan tabata teme cu e lancha a haya problema y algo fatal lo pasa cu tur abordo.

Pues e prome grupo a sali pa Aruba y dos dia despues e lancha cu a pega na Vader Piet tambe a haci un intento pa yega costa cu awor ta aumenta e cantidad di persona cu a muri den e tragedianan aki, na un total di 21 Venezolano. Autoridadnan di San Andres ta buscando un forma pa famianan di Venezolanonan cu nan sernan keri lo a perde cu e lanchanan aki, pa manda

prueba di DNA si en caso haya mas curpa ta drif yega costa di e isla.

Den e lancha La Rogui, fuera di e curpa di Jairo Nicolas cu a ser haya den e boto, tambe tabata biahando pa Aruba otro ocho persona y autoridadnan a duna nan nomber cu ta di Ismael, Adelis, Nelbis, Jose, Chiche, Alexander, Gustavo y segun El Siglo, tambe tabatin un hoben kende tabata conoci como "Niño."

Nan a subi e lancha dia 9 di December ultimo for di Buchuaco di e peninsula di Paraguana pa Aruba pa busca trabou y tabata e ultimo ocasion cu famianan a mira nan na bida y nunca mas a tende algo di nan. Loke ta lanta pregunta t'e hecho cu kico a pasa cu e lancha La Rogui cu a drif finalmente yega te n'e isla di San Andres dia 17 di Januari siman pasa, cu ta algo mas c'un luna cu el a sali rumbo pa Aruba.



Prome Minister ta reuni cu Minister di Relacion Exterior di Suriname, Albert Ramdin

A logra haci palabracion di cooperacion entre Aruba y Suriname

ORANJESTAD - Dialuna merdia, Prome Minister Evelyn Wever-Croes a ricibi bishita di Minister di Relacion Exterior di Suriname, Albert Ramdin. Mirando cu Suriname ta traspasando un momento di estabilidad y na caminda, tin e oportunidad di gas y petroleo na 2027-2028, ta pone cu Suriname ta keda un pais hopi interesante pa Aruba haci negoshi cu ne. Pa e motibo aki, Prome Minister na varios ocasion a extende un invitacion na Minister Ramdin pa bin Aruba pa reuni riba e diferente posibilidadnan di cooperacion.

Durante e reunion, a delibera riba varios punto na unda Aruba cu Suriname lo por traha hunto. Un di e puntonan ta, cu Suriname por exporta, pa Aruba importa fruta, berdura, y

pisca. Tambe, Suriname ta hopi interesa den exporta pa Aruba, pero pa por logra esaki, e gobiernonan lo mester yega na otro pa wak con por facilita e procesonan aki. Importante tambe ta pa trece e sector priva di Aruba hunto cu e sector priva di Suriname pa mira si tin interes di parti di Aruba pa importa e productonan aki.

Prome Minister a expresa di ta contento di por tabatin e oportunidad di reuni cu Minister Ramdin. Minister Ramdin, den nomber di Prome Minister Chandrikapersad Santokhi, a extende uninbacion na Premier Wever-Croes, pa bishita Suriname pa concretisa e palabracionnan aki. Gobierno di Aruba tambe a manda un invitacion na Prome Minister di Suriname pa bishita Aruba. E viahenan

aki lo wordo concretisa e aña aki.

Prome Minister a indica cu e meta di Gobierno ta pa logra cu e progreso cu tin aki na Aruba por traduci su mes den bienestar den cada hogar. Costo di bida ta hunga un rol grandi pa e comunidad, y p'esey Gobierno ta comprometi pa haci tur loke ta na nan alcance pa yega na productonan di calidad na un miho prijs.

"E bishita di Minister Ramdin tabata uno exitoso. Durante su bishita, el a logra haci diferente palabracionann cu demas ministernan aki na Aruba. Tambe, Gobierno a logra haci palabracionnan di cooperacion entre Aruba y Suriname riba diferente nivel pa asina logra mas progreso y bienestar pa e comunidad" Prome Minister a expresa.

Biento fuerte ta ranca dak di cas

ORANJESTAD -- Dialuna anochi Brandweer a sali pa un dak cu a lanta na Hooiberg. Na yegada di Brandweer berdad nan a haya confronta cu un dak a ranca por completo. Esaki a keda dobla, mescos ora bo ta habri un bleki di sardin.

Polis tambe tawata na e sitio, pero ya mucho a nan no por haci paso esaki ta tereno di bomberonan. Danki Dios cu ningun persona a resulta herida. Aki por mira con duro e biento ta suplando ultimo dianan.



KÒRSOU

Banko Sentral ta bende kasi un terser parti di su reserva di oro

WILLEMSTAD -- Banko Sentral di Kòrsou i Sint Maarten, CBCS, ta bisa ku el a tuma un paso grandi pa fortalèsé su posishon finansiero dor di bende trinta porshento di su akshonnan di oro. E entrada di e benta di oro akí, ta invertí den e asina yamá 'interes fiho' di aktivonan, manera bononan di Gobièrnu Merikano.

Invershonnan di interes fiho ta invershonnan den kua e invershonista ta risibí un tarifa di interes fiho. Bononan di Gobièrnu Merikano ta fiansa na Gobièrnu Merikano, unda Gobièrnu ta primintí di paga e fiansa ku interes. Ta konsiderá esaki hopi sigur, pasobra tin tiki chèn ku e gobièrnu di Merka no por kumpli ku su obligashonnan.

Oumentu

E benta i reinvershon akí, ta parti di un strategia pa optimalisá e reservanan ofisial di

CBCS. E reservanan ofisial ta e rekursanan ku un banko sentral tin, manera divisa i oro, pa kumpli ku obligashonnan di pago internashonal i garantisá e stabilitat di su mes moneda.

Promé ku e benta, CBCS tabatin rekursanan limitá pa absorba pèrdidanan operashonal. E pèrdidanan operativo ta pèrdidanan ku ta surgi komo resultado di e operashonnan diario di e banko, por ehèmpel, debí na fluktuashon den balor di su aktivonan.

Volatilidat

E kambio pa interes fiho ta redusí 'volatilidat', loke ta nifiká ku e balor di e invershonnan akí ta subi i baha ménos violentamente ku e preis di oro. Esaki ta sigurá un stabilitat mas haltu den e balor di e reservanan ofisial.

E resultado neto di benta di oro, esta e entrada despues di dedusí tur e

gastunan, a keda agregá kompletamente na e reservanan di CBCS. Esaki ta fortalèsé e kapasidat di e banko pa resistí retroseso finansiero.

Riskonan

Ora Banco Central di Curaçao i Sint Maarten ta converti parti di nan oro den reserva ofisial den balor di renta fiho, manera bononan di Gobièrnu Merikano, tin varios riesgo cu mester wordo tuma na cuenta.

Valornan di renta fiho, manera bonnan di Gobièrnu, ta sensitivo na kambionan den e tasanen di interes. Ora e interesnan subi, e balor di e bonnan eksistente ta baha ku un interes mas abou. Esaki por generá pèrdida potencial pa CBC si e mester bende e bonnan aki promé ku nan eksistí.

Oro ta ser konsiderá un "refugio sigur" den tempu di krísis finansiero i por bira sèn relativamente lihé. Reemplazando parti di oro cu bononan por limita un poco e liquidez di e reservanan, cu por ta un problema den tempu di stress financiero agudo.

Rísiko

Momentu ku BCCS ta konbertí parti di su oro den reserva ofisial den balor di interes fiho, manera bononan di Gobièrnu Merikano, tin vários riesgo ku mester tuma na cuenta.

Balornan di interes fiho, manera bononan di Gobièrnu, ta sensitivo na kambionan den e tasanen di interes.

Ora e interesnan subi, e balor di e bonnan eksistente ta baha ku un interes mas abou. Esaki por generá pèrdida potensial pa CBCS sí e mester bende e bonnan aki promé ku nan eksistí.

Ta konsiderá oro un refugio sigur den tempu di krísis finansiero i por bira sèn relativamente lihé. Remplazando parti di oro ku bononan, por limitá un poko e likides

di e reservanan, ku por ta un problema den tempu di strès finansiero agudo.

E balor di e bonnan por fluktua debí na kambionan den e merkadonan finansiero, kousá pa faktornan manera evolushon ekonómiko, insertidumbre polítiko i kambionan den e ekspektativanan di e merkado. Esaki por kousa fluktuashon den balor di invershonnan den reservanan ofisial.

Mirando e obligashon estatal Merikano ta notá den dòler Merikano, tin un riesgo di kambio asosiá ku e fluktuashonnan di e tipo di kambio entre dòler Merikano i e moneda den kua CBCS ta mantené su reserva, e florin Antiano. Esaki por afektá balor di bononan ora nan ta konvertí den e moneda lokal.

*Pa mehorá transporte públiko***ABC Busbedrijf ta haña dos mion pa kumpra sinku bús nobo**

WILLEMSTAD -- Dia 19 di yanüari Minister Charles Cooper a logra pa ABC Busbedrijf risibí 2 mion adishonal pa kompra di 5 bús nobo pa 2024. Meta di esaki ta pa por mehorá transporte públiko pa pueblo di Kòrsou.

Minister Cooper i Minister Javier Silvanía,

a logra pa aloká sufisiente fondo pa esaki. John Cijntje di ABC Busbedrijf tabata presente pa risibí e dekreto ministerial.

Minister Cooper ta felisitá gerensia i personal di ABC Busbedrijf. Danki na Parlamentarionan ku a pone énfasis pa por a logra esaki.

**Charla 'Investigashon di famia Karibense'**

WILLEMSTAD -- Afortunadamente tin esfuersonan hasi pa hasi fuentenan mas disponibel. Archivo Nashonal di Kòrsou ta habri aña ku un charla interesante tokante registro di antepasadonan. dia 29 di yanüari historiadó, Margo Groenewoud i Gyoni Jamanika, estudiante di siensia kultural na Universidat Radboud, ta bai elaborá riba e tópiko akí.

Investigashon riba antepasadonan na Kòrsou i den Karibe no ta imposibel, pero semper esaki a eksigí hopi di e investigadó.

Archivo Nashonal di Kòrsou ta habri aña ku un charla interesante tokante registro di antepasadonan. dia 29 di yanüari historiadó, Margo Groenewoud i Gyoni Jamanika, estudiante di siensia kultural na Universidat Radboud, ta bai elaborá riba e tópiko akí.

E promé logro grandi ku a realisá, ta pa hasi e registranan di sklabitut aksesibel online. Dia 29 di yanüari tin un charla tokante desaroyonan nobo den investigashon di famia

Karibense na Archivo Nashonal di Kòrsou na Scharlooweg 77-79 pa 7'or di anochi.

E charla ta presentá pa Margo Groenewoud i Gyoni Jamanika, estudiante di siensia kultural universal na Universidat Radboud. Nan ta bai papia tokante e desaroyonan aktual i futuro di e proyekto. Kon esaki ta importante pa komunidat i investigadónan i kon kada un por aportá. Despues di e charla tin espasio pa hasi pregunta i papia ku esnan involukrá ku e proyekto.

DEPORTE

Titans U13A, B i C un tim

Titans U13A, B i C, dibirtiendo nan mes a bira un tim. Un dia liber ta un bon dia pa topa i gosa di otro manera. E komishon di mayor U-13 a organisá un formashon di tim. Velitt Experience Bonaire a prepará un trabou di ekipo di dibertí pa e hungadónan i a sera un dia perfekto ku un pizza. Mas ku un ekipo di futbòl, nan ta famia.



Rijkdienst Caribisch Nederland

Ku inkredulidat i onda pena
nos a tuma nota di faysimentu di nos kolega,

**Carola Jacoba Teuni de Konink-Sira,
mihó konosí komo Carla.**

Nos lo sinti falta di su bon konseho- i tradishonnan
i tambe di su manera di selebrá bida.

Nos ta deseá su famia i sernan kerí
forsa pa por prosesá e pèrdida grandi aki.

Na nòmber di tur su koleganan di
Rijkdienst Caribisch Nederland.



Plantamentu pal'i mangel

KRALENDIJK – Mangrove Maniacs ta tene su siguiente evento di plantamentu di pal'i mangel huntu ku Junior Rangers di STINAPA.

Ta bai planta pal'i mangel kòrá i pretu huntu na e kosta sùit, dunando un habitat nobo i konstruí un liña di defensa di kosta.

E evento aki ta ideal pa hende di tur edat. Bini ku sapatu pa awa i un tiki awa i Mangrove Mainacs ta bini ku e sobrá.

E evento ta tuma lugá djasabra 27 di yanüari di

8'or pa 10'or di mainta na Peleké.

E plantamentu pal'i mangel a bira posibel dor di fondo proveé pa Entidat Públiko Boneiru a base di e plan di naturalesa i medio ambiente, implementá dor di Internos i e boluntarionan dediká di Mangrove Maniacs.

E siguiente evento ta selebrashon di Dia di Área Húmedo rònt di e tema 'Área húmedo i bienestar humano', dia dos di febrüari den Plasa Wilhelmina.



Tene nos playanan limpi

èxtra
...number 1
www.extraboneiru.com

Mangrove Outplanting

Saturday January 27th, 8-10 am
Location: South of White Slave

EXTENDED

\$379 Convertible Twin Bunk Bed

Also available in ● ○

\$395 2-Piece Vanity Set w/ Lights

Smart shopping ▶ Better living

te ku

65%

off!

END of YEAR

\$325 Teak Deep Seater w/ Cushion

\$275 Teak Bar Table

\$149 Teak Bar Arm Chair

Kaya International #36
 717.3666
 700.6442
 CityShopBonaire